



**Claudii Fleurii Abbatis Historia Ecclesiastica**

Ab anno Christi 1541. usque ad annum 1546

**Fleury, Claude**

**August. Vind. [u.a.], 1770**

**VD18 90118510**

§. 33. Patrum querelæ adversus Legatos.

---

[urn:nbn:de:hbz:466:1-66615](#)

Sæcul. XVI.  
A.C. 1546.

§. XXXIII.

**Patrum querelæ aduersus Legatos.**

Pallav. c. 2. n. 10. **E**quidem summus Pontifex jus suum,

quo se Synodo superiorem esse contendit, immotum servare studiosissimus erat, nec segnius tamen erat Episcoporum studium, quo suam contra Legatos auctoritatem tueri nitebantur; eo enim devenerant, ut palam quererentur, quod Legati haud consultis Synodi Patribus quemdam a Mendoza Cæsareæ Majestatis suæ Legato Deputatum recens admissum excepissent, ejusque literas absque Patrum consensu in prima Sessione aperuissent. Verum Montanus Cardinalis ad ejusmodi querelas in generali cœtu respondens ita perorabat: *Haud parum obstupeisco, quod in controversiam vocetur, utrum Præsidibus liceat literas, legationesque cuiusvis excipere, eo fine, ut illæ postmodum ad Concilium referantur, ibidemque de responsis ex Patrum sententiis de-*

*Plurimum valuit ad Gallos ab incæpto dimovendos communis Ecclesiæ consuetudo, quæ sacrosancto Parasceves die nullius profani Principis præter Cæsarem in publicis precationibus mentionem facit. Hæc Pallavicinus non ex suo cerebro, sed ex epistola Cervini ad Farnesium 9. Januarii anno 1546. data comprobavit.*

liberetur. His addidit: *Cum experimento Sæcul. XVI.*  
pariter compertum sit, in ferendis ac post- A.C. 1546.  
modum enumerandis suffragiis confusius agi,  
hinc Legati tribus ex antiquissimis Episcopo-  
rum unacum Pighino Romanæ Rotæ Audi-  
tore negotium dederunt, ut suffragia collige-  
rent. si vero adeo tenuis quidem functionis  
administratio non præteriret absque tam acri  
Patrum querimonia, satius nos Legati du-  
cemus, eam quoque revocandam. Postquam  
vero prælectum fuerat Pontificis Diplo-  
ma, quo Papa Episcopis in Synodo  
congregatis decimas condonabat, pauci  
quidam mussitabant, contendentes, quod  
satius fuisset, si per ipsammet Synodum  
ab hoc onere fuissent exempti, alii econ-  
tra hoc Pontificis privilegium ad suos  
etiam domesticos extendi rogarunt.  
Idem quoque sibi indulgeri petebant su-  
premi Religiosorum Ordinum Præsides,  
nec minus omnes, quotquot huic Con-  
cilio intererant, licet Episcopali digni-  
tate non fulgerent, hanc tamen gratiam  
pariter suis familiis concedi postulabant.  
Horum preces edoctus Pontifex, Epi-  
scoporum postulatis minime annuit, Reli-  
giosis vero hunc favorem penitus non  
denegavit, de ceteris autem tum nihil  
decreatum fuit.

## §. XXXIV.